

Siùrsachd agus Pàigheadh airson feise

Rudan a bhios daoine ag ràdh mu shiùrsachd

Cairtean le earrann air aon taobh agus freagairt air an taobh eile.

(Nòta do neach-lìbhrigidh na cairtean a dhèanamh; priont na duilleagan air aon taobh-duilleig agus an uair sin paisg iad agus cleachd glaodh airson an stiogadh).

'S e roghainn a th' ann.

Bidh neach gu tric a' dol an sàs ann an siùrsachd air sgàth 's nach eil roghainnean aca, no nach eil aca ach glè bheag. Dh'fhaite air sgàth bochdainn, cion dachaigh no eachdraidh de dhroch-dhiol fheiseil/fhiosaigeach. 'S dòcha gum bi iad a' faireachdainn nach eil cothrom eile aca no nach eil aca ach glè bheag de chothroman. Bidh mòran nigheanan 's bhalaich a' dol an sàs ann an siùrsachd ro aois 18. An e roghainn a tha seo a dhèanadh neach gu saor?

'S e obair a th' ann.

Tha daoine a tha ag obair ann an siùrsachd nas buaitiche fòirneart fhulang. Tha rannsachadh a' sealltainn gu bheil boireannaich a tha ag obair ann an siùrsachd eadar 10 agus 40 uair nas dualtaiche na neach-obrach àbhaisteach a bhith air am murt. Bidh eadar 50 agus 75% a' fulang droch-dhiol fhiosaigeach no èigneachadh gu cunbalach. A bheil seo coltach ri obair?

'S e seirbheis fheumail a th' ann an siùrsachd do fhireannaich aonranach.

Tha rannsachadh eadar-nàiseanta a' sealltainn gu bheil a' mhòr-chuid de fhireannaich a bhios a' ceannach feise pòsta no ann an dàimh no gu bheil tòrr chèilean eile aca. Dè shaoileadh a tu bhiodh an cèile a' smaintinn?

Bidh fireannaich an-còmhnaidh ag iarraidh gum bi siùrsachd ann.

Cha bhi a' mhòr-chuid de fhireannaich a' ceannach feise. Faodaidh fireannaich bruidhinn air an seo agus aontachadh gu bheil e ceàrr a bhith a' ceannach feise. Tha e furasta do fhireannach a ràdh "Tha mi a' smaoineachadh gu bheil e ceàrr a bhith a' pàigheadh airson feise".

Chan eil gnothach aig siùrsachd ri trafaigeadh dhaoine.

A rèir rannsachaidh leis an Aonadh Eòrpach tha 62% de thrafaigeadh dhaoine san Roinn Eòrpa airson dubh-shaothrachadh fheiseil. An robh fios agaibh air an seo?

Chan eil e a' dèanamh crion sam bith air na boireannaich.

Bidh 68% de bhoireannaich a tha an sàs ann an siùrsachd a' fulang le siomptoman post-traumatic stress disorder, mar gun robh iad air an creòtachadh no mar gun robh iad air a bhith ann an cogadh. An robh thu a' smaoineachadh gum biodh neach air a leòn mar seo?

Bidh boireannnaich no fireannaich a tha an sàs ann an siùrsachd a' dèanamh tòrr airgid.

Tha a' mhòr-chuid de dhaoine a tha ag obair ann an siùrsachd beò ann am bochdainn. Faodaidh e bhith gum bi fireannaich agus prasgain eucoraich a' dèanamh tòrr airgid le bhith a' reic an neach (boireann no fireann). Carson a tha thu a' smaoineachadh a tha an fhionsgeul a tha seo ann gum bi an neach a tha ag obair ann an siùrsachd a' dèanamh tòrr airgid?

Cha tèid againn air cur às do shiùrsachd gu bràth.

Cha bhi e furasta comann-sòisealta a chruthachadh far nach eil neach na thràill no air a sparradh gu siùrsachd agus far nach eil duine den bheachd gu bheil e ceart gu leòr bodhaig neach eile a cheannach. A bheil thu a' smaoineachadh gur e rudeigin a th' ann air am bu chòir dhuinn obrachadh còmhla?